

Трофимова Валентина Устиновна
Педагог дополнительного образования
МБУДО “ЦДОД “Кэрэли”
Мегино-Кангаласский улус.

“Үрүң илгэни түстүөххэ!”

Дэриэбинэ олоҕо сарсыарда үүт туттарыыта
(Күпсүүр тыаһа кыргыттар бары битийэ сылдьан ону-маны гына сылдьаллар)
Массыына тыаһа.

Закулисной сана: **МОЛОКОВОЗ КЭЛЛЭ! Үүткүтүн туттарын!**

1 киһи: Турулуу –таралыы

Туран олорон

Туойан ыллаан

Туора-маары

баран иһиэххэ, баран иһиэххэ

Бастакы буолуохха, бастакы туттарыахха

2 киһи: Айманан-сайманан

Омуннанан- төлөннөнөн

Кэлэн – баран,

Киирэн-тахсан

Эрдэлээбит аҕай Өлүөнэ

Бастакы буолбут

1 киһи: Буолумна. Эрдэ турар чыычаах түмсүн соттор, хойутаабыт хараҕын хастар

2 киһи: Өссө диэ...

БАРЫ(ырыанан)

ҺАЙ! Тыа сириң сарсыардата (**саадыаҕай оҕус матыыбынан**)

Үүт туттарыыттан

Үлэ күөстүү оргуйар манна

Ким эрэ оттуу,

Ким эрэ утуйар

Ким эрэ ынаҕа кэлбэтэ быһылаах?

1 киһи: Хайа кыргыттар, хайа чэкийдэр,

Бүгүн Ким төһөнү туттарар? Ынахтаргыт иэттилэр дуо?

3 киһи: Оллур-боллур эдьэн-ходьон

Эри буру тайбаахайдаан

холбоон –илбээн үүтүм бачча

Ынаҕым иэппэтэ. Оо дьэ накаас диэтэбин

Бары: Оо дьэ быракаас диэтэбин.

4 киһи: Массаастаан биэриэххин

3 киһи: Ону билиммэт...

Сүөһүлэрбин аһынабын,

Сөбүн көрөн аһатабын,
Талбыт курдук туттабын,
Дьаһалынан турабын
Үрүн аһы тэнитэбин,
Үрүн илгэни дэлэтэбин

БАРЫ: Мм...Билэ көрө сылдыабыт.

5 кийи: Дьэ сүөһү көрөр үлэтэ диэн баар ээ..

Күнүстэри- түүннэри
Сүөһү уулатан
Сүүр да сүүр,
Сүөһү аһатан
Түбүгүр да түбүгүр
Сүөһү экирэтэн
Мадьыктас да мадьыктас
Эрэзиминэн аһат
Намы тутус
Түн-тан
Түнкүр-танкыр буолан
Диэхтиибин да

Бары: Дии да турабыт

БАРЫ - Барыта ыксал
Күн былдыаһыта
Тиэтэл - таатал
Чаас экирэтиитэ
Тыа кийитэ үлэтэ бүппэт
Тыа кийитэ түбүгэ бүппэт

6 кийи: Сөрү сөпкө сөллөннүүгүт...

Бары: Дьэ...(кыайбыт-хоппут курдук туттабыт)

1 кийи: Онтон дэриэбинэҕэ ким барда кэллэ. Туох сонун?

2 кийи: Кэпсээннээх уолу истибиккит да?

Кэндэги үрэбин
Кэтэх өттүттэн...

Бары: Ону истибиппит, билэбиит, билэбит

2 киһи: Кытыл ыала Кыччааһыйдаах

Бары: Ону эмиэ истибиппит

2 киһи: Сэмэнэбис сэттэ уон...

Бары: ээ ону кэпсээмэ даҕаны

2 киһи: Туй-сизэ

2 киһи: Арба Унуоргу ыал

Оччоһуйдаах улахан күтүөттэрэ Сэмэнчик

Сүөһүлэригэр барытыгар

Төбө аайы субсидия диэннэрин ылбыт үһү

Харчы бөҕөтүгэр сууламмыт

Байыабынан байбыт...

Кыабырыабынан кыабырбыт үһү...

Бары: Өссө диэ. Кэһэппит дии!

6 киһи Хотон-хотон мунунан

Хороҕор муостаабы

Хотуулаахтык холбооттообут

Сыһы-сыһы мунунан

Сыспа сиэллээҕи

Сыталлаахтык сырыырҕаппыт

Харах харах харахтаабатах

Хаптаҕай кулгаах истибэтэх

Халын элбэх харчылаах диэтилэр

Бары: Тыый.Бары субсидия ыларга,дьулуһарга!

1 киһи. Ол төһө сүөһүлээхтэрий? Аа-а?

5 киһи:

бээ –бээ ааспыкка Аана этэринэн

Биир мииниллэр биэ,

Үс үүттээх үтүрүм

Түөрт төгүл төрүөх

Биэс миинэр минэ,

Алта анаарыма атыыр

Сэттэ ситэр тингэһэ

Абыс абым ынах

Төбүс төрүөл торбос

Уон улахан оҕус

Бары: Баһаам дии

3 киһи.

Эгдэх-эгдэх

Өндөх-өндөх
Онхой инкэй
Инкэл-танкал
Оллур-боллур
Оллороот-боллороот
Тоѳо элбэѳэй?
Хантан кээлтэй?

5 киһи. Сүөһү Төрүт баайбыт, тирэнэр тирэхпит. Сүөһүбүтүн эспэккэ, Үрүн илгэни тэнитэ туруоѳун!

Бары: Сөрү сөпкө этэѳин

5 киһи: Сүөһүлээх буолан-

Бары: аспыт-үөлбүт дэлэй!

Сүөһүлээх буолан

Бары: харчылаахпыт!

Сүөһүлээх буолан

Бары: Инникилээхпит!

4 киһи: Ол ыаллар

Субсидияларынан тыраахтар ылаллар үһү

Субсидияларынан евро хотон тутталлар үһү

Субсидияларынан оттуур сир ылаллар үһү

Субсидияларынан охсор, кыраабыл, рулоннуур заказтаабыттар үһү...

Бары: үһү

3 киһи: Тыа сиригэр ким үлэлиир ол аһыыр

5 киһи: Үлэлээ да киһи буолуон, үлэлээмэ да кии буолуон!

2 киһи: Үлэ аһатар, сүрэѳэ суоѳу ытатар!

Бары: Сүрэѳэ суох сүүс албын сүбэлээх

Мааста тас диэтэххэ баһа ыалдыар үһү,

Уута бас диэтэххэ ойоѳоһо анһар үһү

Үлэѳэ тахсарга үтүлүгэ сүтээччи,

Саһаанна тахсарга саппыкыта саһааччы

Сорукка ыытарга соно сүтээччи, Бэрт тиэтэл сырыыга бэйэлиин мэлийээччи!

1 киһи: Сүрэѳэ суох сүрэѳин ханна гыммытай?

Бары: (тула өттүн көрүнэллэр) Ханна? Ханна? Ханна?

5 киһи: Таах сибиэ сылдыан

Дьааһыйан дьалланнаан

Дьааһык курдук аппаннаан

Таһааран ыытан куоттаран кэбиспит

Бары: Куоттаран кэбиспит....

1 киһи Онон бары сүөһүгүтүн эспэккит! Бачча харчы халлаантан түһэ турдаѳына... туттан-хаптан хаалын

Бары: чэ-чэ

Кэнники кичэйиэхпит,

Кырдык кыһаныхпыт
Сарсын сатыахпыт
Өйүүн өйдүөхпүт
Көһнөрүөхпүт- тупсарыхпыт
Көбөрдүөхпүт үүннэриэхпит
Көрүөхпүт көһүтүөхпүт
Көрөөрүг-истээрин!

1 киһи: Дьэ көрүллүө. Апчии (ытырдар)

Бары: Уой корона да?

1 киһи: корона буолбатах. Апчии (ытырдар)

Бары: Корона дии

1 киһи: суох, суох. Оннук эрэ буолбатын

Бары: буолбатыын, булбатын

Закулисье: Хайа дьахталлар үүккүтүн туттарбаккыт дуо? Сэлэһэ турабыт!
Үүккүт аһыйда буолуо?

Бары: Тохтоо! Тохтоо!
Кэпсэтэбит, кэпсэтэбит
Киирэ-тахса кэпсэтэбит
Үлэлии туран кэпсэтэбит
Кэпсэтэ туран туран кэпсэтэбит
Кэпсэтэбит кэпсэтэбит

Бары (ырыанан)

Хон хон сытыы тылынан

Хон-хон хоһуйаммыт

Хон- хон үлэлээн

Хон-хон биэриэбин!